

續古文辭類纂評註



吳興王文濡校註

續古文辭類纂評註

中華民國五十九年三月臺二版

評校  
音注

# 續古文辭類纂

平裝二冊基本定價三元九角正

(郵運滙費另加)

發	印	發	校	輯
行	刷	行	注	者
處	者	人	者	者

王

先

謙

王

文

濡

劉

克

寰

臺灣中華書局股份有限公司代表

臺北市重慶南路一段九十四號

臺灣中華書局印刷廠

臺北市西園路二段一六巷五〇街交號

臺灣中華書局

臺北市重慶南路一段九十四號

郵政劃撥帳戶：三九四二一號

Chung Hwa Book Company, Ltd.

94, Section 1, South Chungking Road, Taipei, Taiwan, Republic of China





数据加载失败，请稍后重试！

自斷於心  
視死如歸  
真孝兩盡  
從容就義  
彼令與兄  
弟亦淺之  
乎視貞女  
矣

評校音註續古文辭類纂卷十四 傳狀類一

長沙王先謙纂集

朱梅崖黃貞女傳○

黃貞女者。湖北應山人也。所許適者死。貞女歸。事其姑終身。而反於父。父死。貞女曰。吾得從父地下。見吾夫與舅姑足矣。即閉戶欲死。兄弟曰。父不幸。而爾從死。是章兄弟不能安爾。而傷父之志也。且始為夫死。則死不待今日。為父死。則父固非爾得從死者也。又累兄弟以不能安女弟之名。貞女曰。吾知行吾志而已。固非能擇於可否者也。然吾聞之。婦人以從為義者也。吾身許人。固宜為婦。未適人。則猶為子。死夫與死其父。義皆有所處也。今吾三從者絕。而得死所。全其婦子之義者。無悔於中心。而於兄弟成之。是兄弟遺我。以安也。何累於名。事聞於令。令親往諭。貞女以無死。且女畜貞女。兄弟欲貞女不死。皆勸貞女。貞女曰。既以失所。從自絕於兄弟。而猶託於人。是明告兄弟。懟徒對也。且是重生無已。而不知所以處者之為也。吾非其人也。卒絕食而死。貞女死日。人見貞女行出門。若生者。又見所許適者。與貞女若偕行云。蓋貞女真見夫矣。亦異矣哉。貞女死後百餘年。他姓有冒為所許適者之旁子孫。得旌門。

烈士暮年  
壯心未已  
描寫頗覺  
盡致

如令。貞女外家曾孫某訟之官。以為非是。官雖審其冒。然其事已得請。竟無以易也。蓋貞女未歸。未廟見。雖未成婦。然其事不繫於夫。則貞女之守死為無名。而益以傷貞女之志。貞女事久遠。所許適者家絕。故冒而不忘。然曾孫之訟。亦疑而無徵。余故皆削之。使冒者不得以為榮。而疑者不得以為信。而貞女之貞。以慎而益白。蓋貞女之志也。

應山縣名。舊屬湖北。德安府。今屬江漢道。

三從未嫁從父。既嫁從夫。夫死從子。見儀禮。

懟怨也。

廟見昏禮三月而廟見。稱來婦。

見儀禮士昏禮。

### 彭秋士息庵翁傳○

息庵翁名志求。字文健。息庵別號也。其先江西清江縣人。後以明洪武中至蘇州。遂家焉。祖貽令先生。以善書名吳中。翁童子日。以磨墨侍祖書。學作點畫精勁。祖奇之。授以法。為人廉直。非禮法不行不語。親友敬厚焉。翁嗜書。人有好書。輒借。飾小齋。獨居。几上一鑪香。一餅水。晨莫鈔書。然翁心雄。恥不得及時。有為秋風起。則驚撲筆起。立徘徊焉。復鈔書。竟老於家。雍正四年卒。葬黃山。生一男三女。翁子孫貧薄。墳壞樹

稀拜掃缺。而翁鈔集之書具存。孫男績謹譔。

清江縣名。舊為江西臨江府治。今屬廬陵道。

雍正清世宗年號。

黃山在安徽歙縣西北。

### 彭秋士府君述○

府君彭氏諱景駉。遠字騰遠。長洲縣人。少時精學經書。以法度自繩。年十八。授徒於家。得束脩。供養父母。能任井臼。及娶妻。乃出就學館。歸輒適父母之所。揖經私室。不先入也。父母有疾。嘗所飲藥。日不餐。夜屏氣立於牀几之間。父病甚。哭城隍神廟中。求代父身。病尋愈。秉志遵分。不委隨世俗。不慕榮利。一一以道揆之。衣食才足。屋數閒。破琴古書。怡然自得。宗黨有窮厄不能自存者。則告於仁富使周之。姊夫查天謨。聲甚平。年老酷貧。日給升米。寒脫中衣衣之。死周棺殯。姊前死未葬。合葬焉。所居巷中稚子。或相聚為戲。府君自外歸。稚子遙見。譁曰。彭家翁至矣。率散走。府君年七十而卒。有鄰人入室哭曰。吾幼見夫人出入閭里。尊憚其容貌。不敢自暇自逸。今且老。獲免於戾。夫人之賜也。將葬。又來哭如初。男績謹述。

薰德善良  
其人可知

嘗所飲藥

禮曲禮親有疾。飲藥。子先嘗之。

屏氣

論語屏氣似不。息者。注屏藏也。



彭尺木陳和叔傳 和叔號東莊應鴻博不遇降而就幕所著書詳傳中

是史學之  
有用者

陳和叔名黃中。吳縣諸生也。父少章。名景雲。博聞強識。好著書。以諸生老。和叔自少通敏。為學長於史。嘗深究前代治亂往復。所由以達於當世之務。發為文。磊落自恣。不可控制。乾隆初。應博學宏辭科。廷試被黜。乃客遊南臨洞庭。登衡山。東浮錢唐。入閩。北馳驅燕齊。河岱閒。當是時。上即位數年。銳意廣續列聖治績。紹往古絕業。中外大臣承明德。爭延致天下豪俊。虛己訪時政闕失。而和叔為大學士海寧陳公所知。其在京師。陳公以禮先之。和叔乃上書陳公。論用理財治兵三大事。其條用人之目有十。曰分科取人。曰慎擇舉主。曰重名節。曰辨邪正。曰加奉。曰汰冗戎上員。曰寬法網。曰覈名實。曰懲貪。曰酌道里以銓選。條理財之目有六。曰定旗制。曰權錢幣。曰興西北之水利。曰輕徵權。曰減漕粟。曰定鹽政。條治兵之目有六。曰謹邊防。曰嚴海禁。曰練土兵。曰修軍器。曰簡帥臣。曰加月餉。陳公得書。躋其言。頃之。詔求骨鯁質樸之士。如古馬周陽城者。陳公欲舉和叔。應詔旨。時和叔已去京師。屬其友招以書。和叔辭焉。先是湖南巡撫馮公聞和叔名。辟置於府。土苗有小警。欲興師剿之。屬

好幕府

和叔一生遭際極似徐文長而無其狂放

介然之節助者不少

和叔草奏。和叔曰。此召亂也。撫而輯之。其可弗聽。和叔遂行。無何苗叛。用兵期年。乃靖。已而漕督顧公湖督孫公閩撫王公先後聘和叔主章奏。和叔所草奏。援古證今。剴切詳盡。所奏或中格。每執奏至再三。得請乃已。期於尊主庇民。不肯趨避。形勢揣摩。風氣為巧言而諸公亦委心任用。不疑沮也。自諸公先後謝事。和叔落落無所合。遂杜門不出。初至京師時。善山陰貢士胡天游。天游故奇士。負才氣。慕陳同甫之為人。傲睨當世。士鮮當意者。及見和叔。服其才。傾心相引重。天游豪蕩自喜。不肯循尺度。為勢要所排斥。竟窮死。和叔介然持節。審去就。嚴取舍之辨。而其窮與天游等。下帷著書。無儋石之儲。泊如也。年五十九卒。居常恨宋史蕪雜。是非溷失。平則發奮刪其繁累。搜討先正舊聞。折其中。成宋史彙一百七十卷。又著新唐書刊誤。國朝謚法考。殿閣部院年表。督撫年表。共十餘卷。詩文集四卷。其卒也貧甚。不能治喪具。姻黨或以金賻附者。妻張氏固卻之曰。奈何以貧故傷夫子義鬻居以葬。

大學士海寧陳公

名世倌。諡文勤。

馬周

字賓王。唐至長安。舍中郎。將常何家。貞觀五年。詔百官言得失。何武人。不涉學。周為條二十

餘事。太宗怪問何。何曰。此家客馬周。數臣言之。帝即召與語。拜監察御史。

陽城

字亢宗。唐北平人。舉進士。拜諫議大夫。嘗疏留陸贄。沮相裴延齡。



衍綸之死  
發於天性  
賢於共姬  
遠矣

此舉有益  
學子不少

未幾而鄭督學政湖南。曾之僕有給事於鄭者。能具言孝女事。僕即往時挾孝女出火中者。其手閒嚙痕故在也。鄭先生之言審矣。余後又得海甯沈維基所作傳。其略具如所聞於鄭先生者。顧獨不載嚙手事。余乃覈其事蹟著於篇。

長清縣名。舊屬山東濟南府。今屬濟南道。

庶吉士清時未散館翰林之稱。

郴州舊直隸州。屬湖南。民國改為郴縣。屬衡陽道。

痲四體麻痺不仁也。

### 姚姬傳朱竹君先生家傳○○○

朱竹君先生名筠。大興人。字美叔。又字竹君。與其弟石君珪。少皆以能文有名。先生中乾隆十九年進士。授編修。進至日講起居注官。翰林院侍讀學士。督安徽學政。以過降級。復為編修。先生初為諸城劉文正公所知。以為疏儁奇士。及在安徽。會上下詔求遺書。先生奏言翰林院貯有永樂大典內。多有古書。世未見者。請開局使尋閱。且言搜輯之道甚備。時文正在軍機處。顧不喜。謂非政之要。而徒為煩。欲議寢之。而金壇于文襄公獨善先生奏。與文正固爭執。卒用先生說上之。四庫全書館自是啓矣。先生入京師。居館中。纂修日下舊聞。未幾文正卒。文襄總裁館事。尤重先生。先生

述其行稱  
其文均如  
分而止

表章伯思  
如見其人

使酒溢交  
耗神於無  
益之地惋  
惜之意溢  
於言表

顧不造謁。又時以持館中事與意迕。文襄大憾。一日見上。語及先生。上遽稱許。朱筠學問文章殊過人。文襄默不得發。先生以是獲安。其後督福建學政。逾年。上使其弟珪代之。歸數月。遂卒。先生爲人。內友於兄弟。而外好交遊。稱述人善。惟恐不至。卽有過。輒覆掩之。後進之士。多因以得名。室中自晨至夕。未嘗無客。與客飲酒談笑。窮日夜。而博學彊識不衰。時於其閒屬文。其文才氣奇縱於義理事物。情態無不備。所欲言者。無不盡。尤喜小學。爲學政時。遇諸生賢者。與言論。若同輩。勸人爲學。先識字。語意諄勤。去而人愛思之。所欲著書。皆未就。有詩文集。合若干卷。

姚鼐曰。余始識竹君先生。因昌平陳伯思。是時皆年二十餘。相聚慷慨論事。摩厲講學。其志誠偉矣。豈第欲爲文士已哉。先生與伯思。皆高才耽酒。伯思中年致酒疾。不能極其才。先生以文名海內。豪逸過伯思。而伯思持論稍中焉。先生暮年。賓客轉盛。入其門者。皆與交密。然亦勞矣。余南歸數年。聞伯思亦衰病。而先生歿年。才逾五十。惜哉。當其使安徽福建。每攜賓客。飲酒賦詩。遊山水。幽險皆至。余閒至山中崖谷。輒遇先生題名。爲想見之焉。

大興縣名，舊為順天府治，今屬京兆尹。諸城縣名，舊屬山東青州府，今屬膠東道。劉文正公名純，字延清，號爾純，康熙進士，累

官東閣大學士。永樂大典明成祖永樂元年，敕解縉、姚廣孝等類聚經史子集，凡二萬二千八百七十七卷，為一萬一千九百九十五冊，今僅存六十冊，存教育部圖書館。金壇縣名，舊屬江蘇鎮江府，今屬金陵道。于文襄公

名敏中，康熙進士，累官文華殿大學士。四庫全書注見卷十三。日下舊聞書名，清朱彝尊撰，搜輯於燕京者，千六百餘種，分十三門，都四十二卷，書成於康熙時，乾隆時，高宗復命詞臣編纂，踵朱氏之籍，增為十五門，都一百六十卷。昌平舊州名，屬順天府，民國改縣，屬京兆尹。

姚姬傳張逸園家傳○○○○

張逸園君者，諱若瀛，字印沙。曾祖兵部尚書諱秉貞，祖諱茂稷，考諱廷瑋。弟皆贈左都御史。廷瑋三子，長若淮，桂仕至左都御史，而君其季也。都御史為人端凝樸慎，而君慷慨強果，自其兄弟少時，里人皆異之矣。君始以諸生為書館謄錄，敍勞授主簿，借補熱河巡檢。熱河今為承德府，君仕時未設府縣，以巡檢統地逾百里，歲為天子巡駐之所，四方民匯居其間，君之嚴能治辦，奸蠹屏除，留守內監為僧者，曰千文煥，君一日行道，見其橫肆，立呼至杖之。於是熱河內府總管怒，奏擅杖近御，直隸總督

序述兩事  
均不愧強  
項吏之所  
為

專制時代  
其實權不  
在君

亦劾君。上聞之。顧喜君強毅。不之罪。而以劾君者爲非。其後爲良鄉知縣。順天府南路同知。有旗民張達祖。居首輔傅忠勇公門下。始有地數百頃。賣之民矣。久而地值數倍。達祖以故值取贖。搆訟經數官。不敢爲民直。君至。傅忠勇頗使人示意君也。君告之以義。必不可。卒以田歸民。畿南多回民。久聚爲竊盜。不可勝詰。君多布耳目。得其巨魁。或親捕之。凡半年。獲盜百餘。盜畏之甚。乃使一回民僞來首云。有某人至其家。巨盜也。及捕之至。卽自首某案已所爲盜。有贓在京師禮拜寺。君使兵役偕之至禮拜寺。則反與鬪。至刑部。訊以某案事。與此人無與。以君爲誣良。議當革職。旣而上見君名。疑部議不當。召君令軍機處覆問。減君罪。發甘肅以知縣用。是時上意頗嚮君。然卒降黜者。大臣固不助君也。在甘肅二年。嘗爲張掖復營兵所奪民渠水利。又以張掖黑河道屢遷。所過之田。爲沙礫數百頃。而歲輸糧草未除。力請於總督奏除之。時甘肅官相習僞爲災荒請賑。而實侵入其財。自上吏皆以爲當然。君獨不肯爲。其後爲者皆敗。於是世益推君。君引疾去甘肅。里居數年。會兄都御史已進用上。數顧問君狀。君乃復出。補直隸撫寧知縣。其勤幹如昔。然君年已六十餘矣。以子鴻

釋園名之  
義文法亦  
周密

恩為兵部郎中。受封朝議大夫。例不為知縣。遂去歸里。又數年卒。君居里為園。時遊之名之曰逸園。言已不得盡力為國勞而苟逸也。故人以逸園稱君。

姚鼐曰。余家與君世姻好。君為丈人行。所謂逸園者。負城西山面郊。余先世亦園址也。君數飲余。於是時述平生為吏事。奮髭抵掌。氣勃然。誠充其志。所就可量哉。君在里。建毓秀書院。為族人設藝局。以養貧者。親姻婚喪急難。每賴其施。以濟君亡久矣。人方思之不能忘也。然余尤偉君杖內監僧。及不為傅忠勇曲論民田事。為有古人剛毅之風。故為著傳。君能著於世矣。才節遇知天子。而仕抑屈於縣令。惜哉。命為之耶。抑古之道終不合於今乎。君長子鴻肇為戶部員外郎。先卒。次鴻恩為福建延平府知府。次鴻磐。

兵部清制。掌中外武職銓選。簡覈軍實之政。贈左都御史左都御史。舊官制都察院之長官。統轄諸

御史清末改為陸軍部。尚書乃一部之長。贈左都御史左都御史。舊官制都察院之長官。統轄諸

貴而封贈也。子臚錄抄寫之員。清時實錄等館均主簿牧令之熱河地名。清初

置熱河廳。後升承德府。設都統。民國政府為巡檢。縣令之千文煥或倚于榮

縣。暫稱特別區域。仍設都統。轄熱河道。巡檢屬官。千文煥或倚于榮

監戲街。命凡內監私人有在外生事者。聽人懲責。事在乾隆二十二年。內府



總管

清代有總管太監之名因熱河為巡駐所故設內府太監

良鄉

縣名舊屬順天府今屬京兆

同知

清時府州之屬官

傅

忠勇公

姓富察氏名傅恆字春如清滿洲鑲黃旗人封一等忠勇公卒諡文忠

張掖

縣名舊為甘肅甘州府治今屬甘肅涼州

黑河

即甘肅之額濟納河亦曰張掖河

撫寧

縣名舊屬直隸永平府今屬津海道

朝議大夫

清制從四品文階

延平

府名屬福

建民國廢今南平縣其舊治

### 姚姬傳張貞女傳

所以士君子  
所難為者  
而弱女子  
能為之歸  
合於義不  
怨之未免  
姚氏所見  
自大

昔歸熙甫作貞女論謂女在父母家不應以身屬人所許嫁者亡而為終守不合於義吾謂熙甫是言過矣今律與人約婚而中背者有刑而晉王裒以其壻葬父洛陽即以其女別嫁以今律論裒為甚不誼以裒之賢衡今之法則制刑非矣然而皆不然者古今情事殊也且伊尹五就桀柳下惠不羞汙君而伯夷非其君不事季歷文武興周室而泰伯逃隱夷齊叩馬而諫士各行其志所安耳君子亦仁而已矣何必同吾近覽鄉曲之事高貞女之節悲傷其志以謂靡病於古誼焉張貞女者父曰張裕昌其五世祖為明末山東左布政使秉文殉難於濟南者也貞女許嫁之夫曰葉孝思孝思父母皆老病將死獨有孝思一子又病瘵甚篤欲迎張氏侍其父母疾張